




Broj: 05-50-1-2615/14
Sarajevo, 6.11.2014. godine

 BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 07-11-2014			
Organizaciona jedinica	Klasifikaciona oznaka	Redni broj	Broj priloga
02	50-6	16	4/19

PARLAMENTARNA SKUPŠTINA BiH

- Dom naroda -

SARAJEVO

PREDMET: Odgovor na izaslaničko pitanje – dostavlja se

Vijeće ministara Bosne i Hercegovine, na 111. sjednici održanoj 6.11.2014. godine, utvrdilo je Odgovor na izaslaničko pitanje koje je postavio Krstan Simić, izaslanik u Domu naroda Parlamentarne skupštine Bosne i Hercegovine.

U privitku proslijeđujemo Odgovor radi njegovog dostavljanja izaslaniku.

S poštovanjem,


GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-2615/14
Sarajevo, 6.11.2014. godine

Gđin Krstan Simić, delegat u Domu naroda Parlamentarne skupštine Bosne i Hercegovine, na 41. sjednici Doma naroda, održanoj 10.09.2014. godine, uputio je sljedeće delegatsko pitanje:

„Na osnovu člana 144. stav (1) Poslovnika Doma naroda, postavljam sljedeće delegatsko pitanje:

Da li je na sastanku u Berlinu bilo pokušaja da se bar pokrene pitanje definitivne izgradnje mosta u Gradišci, što bi doprinijelo regionalnom povezivanju Republike Hrvatske i BiH, a čime bi se rasteretio i prelaz kod Gradiške i Broda?“

Na postavljeno pitanje, Vijeće ministara Bosne i Hercegovine je na 41. sjednici održanoj 6.11.2014. godine, utvrdilo sljedeći

ODGOVOR

Pitanje delegata Krstana Simića dostavljeno je i razmatrano u Ministarstvu komunikacija i transporta Bosne i Hercegovine te se daje sljedeći odgovor:

Na sastanku koji je održan 28.08.2014. godine u Berlinu nije učestvovao Ministar komunikacija i transporta Bosne i Hercegovine. Bosnu i Hercegovinu predstavljali su predsjedavajući Vijeća ministara gospodin Vjekoslav Bevanda, ministar inostranih poslova dr. Zlatko Lagumdžija i ministar vanjske trgovine i ekonomskih odnosa Mr. Boris Tučić.

Što se tiče aktivnosti u kojima je učestvovalo Ministarstvo komunikacija i transporta Bosne i Hercegovine, a odnose se na rješavanje pitanja izgradnje mosta u Gradišci, u proteklom periodu poduzeto je sljedeće:

Na sastanku ministara, Ministarstva pomorstva, prometa i infrastrukture Republike Hrvatske i Ministarstva komunikacija i transporta Bosne i Hercegovine održanom u Sarajevu (mart 2013. godine), zbog visoke cijene prvobitno projektovanog mosta na rijeci Savi kod Gradiške, dogovoreno je da se uradi optimizacija projektnog rješenja mosta s ciljem postizanja niže cijene. Prema instrukcijama, projektant je uradio novo rješenje (glavni projekat) mosta, koje je prezentirano na sastanku pomoćnika ministara dva ministarstva (juni 2014. godine) u Zagrebu. Na istom sastanku članovima BiH strane, Zajedničkog operativnog tijela prema Sporazumu

između Vlade Republike Hrvatske i Vijeća ministara Bosne i Hercegovine o izgradnji mosta na rijeci Savi kod Gradiške, je uručen glavni projekat mosta na razmatranje i mišljenje. Optimizacijom projekta, predračunska vrijednost mosta je smanjena sa 42miliona EUR na 29 miliona EUR.

Uzimajući u obzir da je most Gradiška jedan od velikih cestovnih infrastrukturenih projekata čijom bi se izgradnjom omogućilo povećanje sigurnosti, brži protok putnika i roba, jača regionalna saradnja uz mogućnost implementacije razvojnih evropskih, regionalnih i lokalnih projekata, Operativno tijelo za provođenje Sporazuma o izgradnji međudržavnog mosta preko rijeke Save kod Gradiške i priključnih dionica međudržavnog puta E-661 Ministarstva komunikacija i transporta Bosne i Hercegovine je prihvatilo novo projektno rješenje mosta (avgust 2014. godine) i predložilo intenzivniji rad Operativnog tijela s ciljem prevazilaženja postojeće situacije.